

Апостол 22.03.2025

Б: Мир всем.

Я: И духови твоему.

Б: Премудрость.

Я: Прокимен глас 5: Ты, Господи, сохраниши ны / и соблюдеши ны от рода сего и во век.

Хор: Ты, Господи, сохраниши ны

Я: Спаси мя, Господи, яко оскуде преподобный.

Хор: Ты, Господи, сохраниши ны

Я: Ты, Господи, сохраниши ны /

Хор: и соблюдеши ны от рода сего и во век.

Б: Премудрость.

Я: ко Евреем послание святого Апостола Павла чтение.

Б: Вонмем

Братие, воспоминайте первыя дни ваша, в нихже просветившеся, многия страсти претерпесте страданий, ово убо, поношеньми и скорбьми позор бывше, ово же, общницы бывше

живущим тако. Ибо узам моим спострадасте и разграбление имений ваших с радостию приясте, ведяще имети себе имение на небесех пребывающее и лучшее. Не отлагайте убо дерзновения вашего, еже имать мздовоздаяние велико. Терпения бо имате потребу, да волю Божию сотворше, примете обетование. И еще бо мало елико елико, Грядый приидет и не укусит. А праведный от веры жив будет.
*(Евр 10:32–38А, зач. 325)

Братие, толик имуще облажащ нас облак свидетелей, гордость всяку отложше и удобь обстоятельный грех, терпением да течем на предлежащий нам подвиг, взирающе на начальника веры и совершителя Иисуса, Иже вместо предлежащая Ему радости претерпе крест, о срамоте нерадив, одесную же престола Божия седе. Помыслите убо таковое Пострадавшего от грешник на Себе прекословие, да не стужаете, душами своими ослабляеми. Не у до крове стаете, противу греха подвизающесе, и забысте утешение, еже вам яко сыном глаголет: сыне мой, не пренемай наказанием Господним,

ниже ослабей, от Него обличаемь. Егоже бо любит Господь, наказует, биет же всякаго сына, егоже приемлет. Аще наказание терпите, якоже сыновом обретается вам Бог. Который бо есть сын, егоже не наказует отец? Аще же без наказания есте, емуже причастницы быша вси, убо прелюбодейчици есте, а не сынове. К сим, плоти нашей отцы имехом наказатели, и срамляхомся, не много ли паче повинемся Отцу духовом, и живи будем? Они бо в мало дний, якоже годе им бе, наказоваху нас, а Сей на пользу, да причастимся святыни Его.

***(Евр 12:1–10, зач. 331А)**

Б: Мир ти.

Я: И духови твоему.

Б: Премудрость.

Я: Аллилу́иа. Аллилу́иа. Аллилу́иа, глас 4

Хор: Аллилуиа 3 раза

Я: Восклікните Гóсподеви, вся землія, пойте же імени Егó.

Хор: Аллилуиа 3 раза

Я: Яко искусіл ны есі, Бóже, разжéгл ны есі, якоже разжизáется сребро́.

Хор: Аллилуиа 3 раза